

論概幣紙

蔣廷黻著

社會學叢書

中華書局印行


民國二十五年八月印刷
民國二十五年八月發行

社會科學叢書

紙幣概論 (全一冊)

實價國幣九角

(郵運匯費另加)



著者 蔣廷黻

發行者 中華書局有限公司
代表人 陸費達

印刷者 上海中華書局印刷所
上海澳門路

總發行處 上海福州路 中華書局發行所

分發行處 各埠 中華書局

(本書校對者柳啓新 何霜筠) (1967)

蔣廷黻 著

紙幣概論

中華書局印行

錢序

當社會文化幼稚時代，物物交換，供求簡單，亦可交易而退，各得其所。洎乎分業發達，交換之範圍日廣，種類日繁，若無媒介物居間，則不足以定借貸之標準，明價格之尺度，而使交易達於興盛之域也。於是特定某種貨物，爲交換之媒介，即經濟學上所謂爲貨幣者是也。獨是貨幣之種類，亦復不一，視其時代人民之需要如何，而任其自然行使，如農業時代，以穀物爲貨幣；狩獵時代，以毛皮爲貨幣；漁業時代，以貝殼爲貨幣；社會文化邁進，此類貨物之貨幣，早歸淘汰，而專用金屬品矣。此即現代各文明國，採用貴金屬爲貨幣之濫觴也。及至交通發達，交易頻繁，金屬硬貨，仍覺輸運爲艱，授受不便，且因法制嚴明，信用昭著之演進，於是用記載一定價格之紙片，代表其國之本位貨幣，而紙幣之制度興焉。夷考我國類似紙幣者，起源於周，所謂官府聽稱謂以傳別，傳別，即券書也。漢武財用匱乏，更有皮幣等。唐時有飛錢，宋太祖倣之，有所謂便務錢。此二者固不得爲紙幣，特匯票之一種耳。直至宋真宗時，有交子，高宗時有會子，頗有紙幣之形式，初任富民發行，後因濫發謀利，政府干涉，而自起發行，始具法制紙幣之規模焉。迨至金元，漸形濫發，兌現無期。有元一代，幾成紙幣世界，物價騰踊，民不聊生，因之釀成大亂。說者歸咎於紙幣，而不知元人運用失當，有以致之。明興，鈔制不廢，而發行不多，尙無流弊。清初，紙幣絕迹，以銀與制錢爲主。光宣間始由大清銀行發行，入民國而日益膨

賬矣。究之，紙幣之需要，可與布帛菽粟相類，其利弊亦與民生國計相關。學友蔣君清如，有見於此，特於公餘，參考中外名篇，抒以卓見，推論成書，貢諸社會，其蒐輯之宏富，條理之精密，有目共賞，毋待贅言。當今東西各國，及我國政府，厲行貨幣改革之時，得此可以爲政學界之南鍼，著作林之瓊寶，凡商業專科及大學中之治經濟政治學者，皆當手置一編，以供研討焉。是爲序。

民國二十四年十二月吳興錢永銘

吳序

晚近信用制度日張，各國對於節約金屬貨幣之用，已漸有一致之趨嚮。紙幣既足代替硬幣，以爲交易之媒介，又值此各國貨幣戰爭，通貨管理之時，紙幣之功能，當屬顯著。

顧紙幣之發行也，端在制度之完善與否；蓋其爲利爲弊，不在兌換與不兌換，而在發行數量，是否適應社會之需要爲前提。觀於歐戰後期德國之馬克，帝俄之盧布，濫發逾限，終致價值等於廢紙，是其爲害，又不及待言。

我國紙幣素未統一，內地私票，尤稱紊亂，近自銀幣感受世界銀價影響，益使工商蕭索，金融呆滯，整個國民經濟基礎動搖。於是有十一月三日新貨幣法令之公布，實行統一發行，集中準備，並以中央中國交通三行鈔券爲法幣。此種自銀幣改爲紙幣之革新，乃使金融轉於穩定，農工商得以復興。是故中外輿情，一致讚許，謂爲必要之圖。

惟是此項新貨幣政策在公布之前，或謂我國將實行紙幣政策，或謂將實行通貨膨脹，人言藉藉，謠詠紛起；既公布之後，雖已證明前傳之不確，而真義所在，國人仍多未盡了解。此於近世貨幣之學，以及國內外金融大勢，尙無深切之研究。況其將來影響何如？國際貿易有何變化？農工商如何得以復興？以及新貨幣政

策之繼續步驟何若？凡此皆必有理論之闡明，史籍之參證，方足以資探討。適友人蔣君清如出其平日研究心得，治事經驗，著有紙幣概論一書。分其內容爲理論與史略兩大篇，洋洋十餘萬言。不特理實兼顧，巨細靡遺，而條分縷析，取材亦極豐富；又於我國各地之紙幣狀況，敘述綦詳，藉可反證新貨幣政策實施之必要。行見此書問世，自必傳誦一時，而爲國人研究紙幣者之唯一參考。用綴數言，藉申欽佩，不足言序也。

民國二十四年十二月吳蘊齋識於上海金城銀行

秦序

德儒許德勃蘭論國民經濟之形成，嘗曰：原始人民，自給自食，老死不相往來，其詳不可得而考矣。逮智慮漸益，欲望漸奢，已所有者或有餘，所無者或其所欲，於是以有易無，物相交易。惟以物易物，有時而窮，不得不假中介之物，而貨幣以興。降及近世，信用經濟之說大行，蓋進化之極致焉。

原夫貨幣之用，繫乎國計民生者甚大。古者刀幣玉帛，皆所以市易，證以克洛撥之言益瞭然。於遼古之世，金銀與其物質之值，籠括爲一，紊然而不可辨，名曰衡金制度。自圓法立，幣制乃定，於是貨幣爲法制之產物，浸及金銀物質，判然異值，爰以國家政令，製爲紙幣，而信用之貨幣，於焉告成。蓋今日之經濟制度，貨幣誠自具性靈，固無庸與物質膠附，試覈歐美幣制現狀，可以觀已。

竊嘗考之載籍，周景始鑄大錢，漢武之白金三品，鹿皮薦璧，已備剏造貨幣之思。其後唐之飛錢，鈔引，宋之交會，是直以楮爲錢矣。元明兩代，盛行寶鈔，紙幣制度，奉行不替，雖成敗利鈍，各異其趣，而研討其故，實因人謀之不臧，非關制度之失宜，所謂能者輻輳，不肖者瓦解是也。

邇者，寰宇經濟，益趨衰落，歐美各邦，咸感錢重之患，乃競屏硬幣而實施幣制管理，大勢所趨，非人力所能推挽，秉國事者審度時宜，權衡輕重，當機立斷，以應切要，非常之局，有不得不然者矣。

蔣君清如，學識淹雅淵博，平居於貨幣問題，殫慮覃思，久著聲譽，茲復本其學驗，著成是書，其能供當局抉擇，殆無可疑。故樂爲之序云。

民國二十四年十二月秦汾

鍾序

文明日進，人事日繁，而社會經濟之需要，亦因之日增，設非銀行相彼注茲，以扶助其生產力與工商業之振興，則社會何由欣欣而向榮也。然欲扶助而振興之，設非有物焉，爲現銀之信用證券，則經濟之力量，不免有時而感覺薄弱也。於是紙幣尙已。考紙幣肇於巴比倫，猶我國古時之白鹿皮幣，制度權輿，不無簡陋，洎十二世紀以後，意大利銀行由存款證書，輾轉變化而成紙幣，可以代銀，可以兌銀，羣喜其輕而便，風行國中，乃各國爭仿之，驟驟乎遍及全球，或銀行自由發行，或政府限制發行，各審其國情，而定發行之多寡。惟國際貿易，仍需現銀。若我國紙幣，萌芽於大明寶鈔，清季始有完全之紙幣，迄於今茲，雖窮鄉僻壤，莫不知紙幣之等於銀幣交易，而退無煩言也。同學蔣君清如，研究於斯者有年，窮源竟委，析縷分條，撰紙幣概論一書，郵寄索序，余受而讀之，深喜是書之出，裨益於吾國財政金融，至爲宏多，乃勉綴數言，以爲之序。

民國二十四年十二月弟鍾鐸謹序

金序

考吾國上古之世，貨幣用貝，繼則用銅，終則參用金銀。春秋戰國時，已完全使用銅幣，但以銀銅缺乏，制用不敷，亦嘗用皮代之，其事具見史傳。漢武之季，兵役頻繁，國用不足，以白鹿皮爲幣，每幣定值四十萬。唐代有匯票之制，號爲飛錢，亦曰便換。宋初，四川商人發行紙幣，隨時可以兌現，惟以紙質粗劣，印刷不精，未能經久，乃規定三年爲一界，俾得以舊易新，惜發行者不能充分準備，未能取信於人，旋即收歸政府發行。宋時紙幣與現幣並用，又有所謂錢引茶引者，類似票據。金代紙幣濫發，物價飛漲，一餅之價，高至三十萬貫。元主中夏，行使法幣，收金銀爲國有，各地設立保管庫，任富商爲庫副，并限制金銀鑄造器皿，先之以中統鈔，繼之以至元鈔，終元之世，發行額達七萬萬餘元。明季濫發紙幣，人民苦之。清承其緒，順治時曾發行一次，咸豐時代，因太平天國之亂，國庫空虛，又發鈔券。後見外國銀行發行紙幣，因創設中國通商銀行（光緒二十三年），戶部銀行（光緒三十年），便發鈔票，以與抗衡。此我國銀行發行紙幣之濫觴也。余友蔣君廷黼，好學深思，近著紙幣概論一冊，問序於余，余喜其書之淵博，與文思之周密，爰再推論我國紙幣之沿革如此，以弁其端，是爲序。

潘序

原始社會，先民之生活狀態，極單純，極簡易，耕田而食，鑿井而飲，實行其自給自足之主義，根本上無需乎貨幣也。厥後社會日進步，生產力日以繁滋，於是有易無之物物交換關係，遂隨之發生。嚆昔老死不相往來之社會，亦以物物交換關係之存在，而發生人與人間之聯係。惟是物物交換，有時而窮，爲救濟此有時而窮之物物交換之缺憾，貨幣制度，遂應運而生。金屬貨幣，尤爲古今中外一致所採用。逮夫宋代，承五代錢法混亂之餘，其貨幣之形態，雖銅鐵並用，然仍以銅貨爲主，而紙幣與銀，亦復並存。如真宗時代之交子，徽宗時代之錢引，高宗時代之關子，會子，均爲紙幣之先河。中歷元明清三代，雖間用紙幣，顧並不重視。及至清季，海禁既開，外國紙幣，隨外商勢力以俱來，充斥市場，利權外溢。未幾，國人乃有紙幣之發行。三十年來，我華紙幣之勢力，力持信用主義，已能深入內地，無遠弗屆。迄民國二十四年十一月四日頒布新貨幣政策，通令全國使用法幣，於是紙幣之效力愈偉，即紙幣之信用愈高，而紙幣政策之研究，與紙幣歷史之考察，愈形切要。蔣清如先生，從事金融業有年，平日致力於貨幣之研究，殫精竭慮，所得甚宏，近於治事之餘，就研求之所獲，與經驗之所積，著成紙幣概論一書，不僅供學者之研究，且適應社會人士之需要，其用心之摯，與致力之勤，尤可敬佩。余與蔣君共事一堂，於其著述之時，尤得先睹爲快，用書所見，以紹介於海內閱達焉。

新書叢書

中華民國二十五年元旦潘文安序於四行調查部

自序

比年以來，經濟之恐慌，瀰漫於全世界，各國人士，欲謀解除此世界之厄運起見，因根據洛桑會議之議決，於前年召集世界經濟會議於倫敦，乃因貨幣穩定問題，法美各邦利害互殊，致各趨極端，會議宣告無限期之停頓。於是各國經濟恐慌愈甚，競爭愈烈，互結爲集團，各實行其通貨膨脹與匯兌管理等政策。此種經濟戰爭之激烈，已日趨於深刻化。而我國外受世界經濟恐慌之影響，內受天災人禍之相襲，至白銀外流，銀根枯竭，農村破產，百業衰頹，金融恐慌日甚，市面周轉維艱。於是各方呼籲，設法救濟，自去年秋冬迄今，各種方案，已次第實施，如征收銀出口稅及平衡稅也，發行金融公債一萬萬元也，創用商業承兌匯票也，最近則集中發行，禁止用現。凡此種種，其癥結所在，無非爲貨幣問題而已。但貨幣問題，複雜錯綜，莫可究詰，雖窮年累月，亦難得而解決也。不學如予，安敢有所論列。惟值茲吾國幣制改革之秋，此後硬幣已不許流通，則對於現在經濟情形，最有利害之關係，而與人民接觸之機會最多者，莫紙幣若。爰於公餘之暇，將紙幣之學識，以及各國發行之略史，就予見聞所及，分上下兩編，書而出之，儻亦爲研究貨幣問題者之一參考資料云耳。至書中所引用諸家之記錄，各種法規條例及草案，均按原文直錄，以存其真。惟閉門造車，舛誤難免，尙希海內賢達，進而教之爲幸。

本書之成，以師友之鼓勵，并承錢新之先生與潘仰堯先生之熱烈贊助，至爲感激，用附數言，以誌不忘。

中華民國二十四年十二月三十一日 清如蔣廷黼序於海上

紙幣概論目次

序
文（以收到先後爲次）

錢 序
吳 序
秦 序
鍾 序
金 序
潘 序
自 序

目次